



RCA a eligi su Directiva nobo



ORANJESTAD(AAN)--- Dialuna 10 di November a tuma lugar Reunion General na RCA Arena unda a re-eligi Ditto Acosta como Presidente.

Na mes momento a gradeci miembro di directiva saliente Srta. Angelique Simon, Srta. Joella Lampe, Lito Lacle y Radi Khan. Miembronan cu a join e Directiva ta Sra. Marieta Leon Fingal cu lo tin cargo di 2do Secretaria y 2do Tesorera, Sra. Yasmira Tromp tambe lo fungi como 2do Secretaria y 2do Tesorera.

Debutando e hoben Albert Fowler tin e cargo di Vice Presidente y encarga cu varios proyecto interesante y relacion publico, Mauritz Malmberg tin e cargo di Tesorero, Sr. Harold Pereira tin funcion comisario y lo asisti den mantencion y infraestructura. Sr. Enrique Gomez ta bek como comisario y lo tin e cargo pisa di mantencion. † Enrique Aaron a keda re-eligi y ta sigi como Secretario y a la ves ta Presidente Comicion Infantil.

Sr Junior Tromp a keda re-eligi y lo sigi como comisario encarga cu in-

fraestructura.

Lo forma comicion di mantencion, comicion dames pa asina traha riba e parti di mehoracion di cluhuis y alrededor pero tambe sigi activo cu actividadnan grandi cu RCA ta organisa anualmente. Comishon infantil ta uno masha activo y tambe a forma e aña aki comishon hubenil.

No tin duda cu futbolisticamente RCA ta e organisacion mas exitoso na Aruba pero tambe Directiva kier traha riba infraestructura di e club y introduci programanan super positivo pa nos hubentud pa asina e organisashon tri-color sigi fungi como "Role-Model" pa tur organisacion deportivo na Aruba.

Un biaha mas directiva ta gradeci tur sponsors cu ta contribui pa asina cada mucha por haya materialnan necesario pa train. Un danki di curason na tur Leidsters, Coaches y sin lubida divicion veterano Inter y Teachers pa nan aporte na nos organisacion tricolor RCA pa Bida.